

Na osnovu člana 72. stav (3) tačka a). Zakona o javnim nabavkama („Službeni glasnik BiH“, broj: 39/14), Pomoćnik gradonačelnika za Službu za komunalne poslove, izgradnju i poslove mjesnih zajednica, donosi:

ODLUKU o dodjeli ugovora drugorangiranom ponuđaču

Član 1.

Ugovor za nabavku usluga preventivne DDD (deratizacije, dezinfekcija i dezinskcija), dodjeljuje se drugorangiranom ponuđaču „SANACIJA 3D“ DOO SARAJEVO, u skladu sa svojom ponudom broj: 122-03/20 od 24.03.2020.godine, sa ponuđenom cijenom od 6.267,28 KM bez PDV-a odnosno 7.332,72 KM sa uračunatim iznosom PDV-a, a nakon što je najpovoljniji ponuđač, u ostavljenom roku, djelimično dostavio traženu dokumentaciju iz člana 45. Zakona o javnim nabavkama.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 05/11-A-003146-2020 od 13.04.2020.godine kojom se ugovor za nabavku usluga preventivne DDD (deratizacije, dezinfekcija i dezinskcija), dodjeljuje ponuđaču „DERATIZACIJA“ DOO SARAJEVO.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-003146-2020 od 05.03.2020.godine.

Postupak nabavke je proveden putem konkurentskog zahtjeva za dostavu ponuda za koji je objavljeno obavještenje o nabavci broj: 1004-1-2-30-3-77/20 na Portalu javnih nabavki dana 11.03.2020.godine.

Postupak nabavke provela je Komisija za nabavke imenovana Rješenjem broj: 05/11-A-003146-2020 od 05.03.2020. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 6 (šest);
- da je blagovremeno zaprimljeno 6 (šest) ponude;
- da nije bilo neblagovremenih ponuda;
- da nije bilo neprihvatljivih ponuda.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi dokumentaciju iz člana 45. Zakona o javnim nabavkama u roku od 7 dana od dana prijema obavještenja o rezultatima postupka javne nabavke.

U obavještenju o rezultatima postupka javne nabavke izabrani ponuđač „DERATIZACIJA“ DOO SARAJEVO je pozvan da u skladu sa tenderskom dokumentacijom, u roku od 7 (sedam) dana od dana prijema ovog obavještenja dostavi u originalu ili ovjerenoj fotokopiji, između ostalog, pod tačkom a) : „kumulativno, potvrdu Suda Bosne i Hercegovine i uvjerenje suda prema sjedištu kandidata/ponuđača, kojima dokazuje da protiv kandidata/ponuđača u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca”, a kako je zahtjevano, tenderskom dokumentacijom tačkom 3.1.2. Dokazi koje ponuđač mora dostaviti u pogledu lične sposobnosti, alineja 4., da je ponuđač dužan dostaviti kumulativno, potvrdu Suda Bosne i Hercegovine i uvjerenje suda prema sjedištu kandidata/ponuđača.

Izabrani ponuđač „DERATIZACIJA“ DOO SARAJEVO je do predviđenog roka za dostavu tražene dokumentacije iz člana 45. Zakona o javnim nabavkama dostavio djelimično traženu dokumentaciju, te je propustio da dostavi kumulativno, potvrdu Suda Bosne i Hercegovine i uvjerenje suda prema

sjedištu kandidata/ponuđača, odnosno dostavio je samo uvjerenje suda prema sjedištu kandidata/ponuđača.

U skladu sa naprijed navedenim, Ugovorni organ je postupio u skladu sa članom 72. stav (3) tačka a). Zakona o javnim nabavkama i ugovor dodijelio drugorangiranom ponuđaču, kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA**

**Služba za komunalne poslove, izgradnju
i poslove mjesnih zajednica
Broj: 05/11-A-003146-2020
Datum, 04.05.2020.godine**

**Pomoćnik gradonačelnika za Službu za
komunalne poslove, izgradnju i poslove mjesnih zajednica**

mr.sc. Mirela Uljić, dipl.ing.grad.